

經史證類備急本草

十九



經史證類備急本草卷第十二

木部上品總七十二種

一十九種神農本草經白字

六種名醫別錄墨字

一種唐本先附注云唐附

二種今附皆醫家嘗用有効注云今附


一種新補

一種新定

七種新分條

一種唐謹微續補墨蓋子下是

八種海藥餘



二十六種陳藥器餘

凡墨蓋子已下並唐謹微續證類

桂

牡桂

菌桂

松脂

實葉根節等附松黃松  
滿唐注五粒松續注

槐實

枝皮葉  
等附

槐膠

新定

槐花

新補

枸杞

葉上蟲  
窠續注

柏實

葉皮  
等附

茯苓

茯神  
附

琥珀

璆瑊

元附璆瑊下  
今新分條

榆皮

花  
附

酸棗

藥木

根  
附

楮實

葉皮重耳等  
附穀汁續注

乾漆

生漆  
附

五加皮

牡荊實

蔓荊實

辛夷

桑上寄生

杜仲

楓香脂

皮附  
唐附

女貞實

枸骨冬  
青續注

木蘭





蕤核

丁香

今附母丁香續注

沉香

薰陸香

雞舌香

藿香

詹糖香

檀香

乳香

已上六種元附沉香下各分帳

蘇合香

御子屎續注

金櫻子

今附自草部今移

降真香

八種海藥餘

藤黃

返魂香

海紅豆

落鴈木

荜木

柵木皮

無名木皮

奴會木

二十六種陳藏器餘

乾陀木皮

含水藤中水

臯蘆葉

蜜香

阿勒勃

鼠藤





浮爛囉勒

靈壽木皮

緱木

班珠藤

阿月渾子

不彫木

曼遊藤

龍手藤

放杖木

石松

牛妳藤

震燒木

木麻

帝休

河邊木

檀栢

木蜜


即榆皮

那耆悉

黃屑




桂  
花






桂




定州桂





宜州桂

宜州桂



桂味甘辛大熱有小毒主溫中利肝肺氣心腹寒熱冷

疾霍亂轉筋頭痛腰痛出汗止煩止唾欬鼻鼾能墮

胎堅骨節通血脉理踈不足宣導百藥無所畏久服神

仙不老生桂陽二月八月十月採皮陰乾得人參麥門冬甘

益氣得莖胡紫石英乾薑黃療吐逆陶隱居云按本經惟有菌牡二桂而桂

用體大同小異今俗用便有三種以半者多脂者單名桂入藥最多所明悉

與前說相應山經乃並有三桂常服食以蒸湯合和雲母蒸化為水者正是

此種爾今出廣州者好湘州始興桂陽縣即是小桂亦有而不如廣州者交

州桂州者形段小多脂肉赤好經云桂葉如柏葉澤黑反黃心赤齊武帝時

湘州送樹以植芳林苑中今東山有桂皮氣粗相類而葉乖異亦能凌冬恐

或是牡桂時人多呼丹桂正謂皮赤爾北方今重此每食輒須之蓋禮所云

薑桂以為芬芳言平注云菌桂葉似柿葉中有縱文三道表裏無毛而光澤

牡桂葉長尺許陶云小桂或言其葉小者陶引經云似柏葉驗之殊不相類

不知此言從何所出今按桂有二種惟支稍不同若菌桂老皮堅板無肉全

不堪用其小枝薄卷及二三重者或名薑桂或名筒桂其牡桂嫩枝皮名為

肉桂亦云桂枝其老者名木桂亦名大桂得人參等良本是菌桂剩出單桂

條陶為深誤也今按陳藏器本草云菌桂牡桂桂心已上三色並同是一物

按桂林桂嶺因桂為名今之所生不離此鄧貧嶺以南際海盡有桂樹惟柳



象州最多味既辛烈皮又厚堅土人所採厚者必嫩薄者必老以老薄者為一色以厚嫩者為一色嫩既辛香兼又筒卷老必味淡自然板薄板薄者即

牡桂也以老大而名焉筒卷者即菌桂也以嫩而易卷古方有筒桂字似菌字後人誤而書之習而成俗至於書傳亦復因循桂心即是削除皮上甲錯

取其近裏辛而有味臣禹錫注云按此有三種菌桂葉似栝葉牡桂葉似枇杷葉此乃云葉如栝葉蘇以桂葉無似栝葉者乃云陶為深誤

剩出此條今據陶注云菌桂正圓如竹三重者良牡桂皮薄色黃少脂肉氣如木蘭味亦辛此桂則是半卷多脂者此云仙經有三桂以葱涕合和雲母

蒸化為水服之此則有三種明矣陶又云齊武帝時湘州得樹以植芳林苑中陶隱居雖是梁武帝時人實生自宋孝武建元三年歷齊為諸王侍讀故

得見此樹而言也蘇恭但只知有二種亦不能細尋事跡而云陶為深誤何意斷之甚也抱朴子云桂可以竹瀝合餌之亦可以龜腦和服之

云桂心君亦名紫桂殺草木毒息生慈味苦辛無毒主治九種心痛殺三蟲主破血通利月閉治軟脚痺不仁治胞衣不下除效逆結氣擁痺止腹內冷

氣痛不可忍主下痢治最良肉回云桂心治一切風氣補五勞七傷通九竅利關節益精明目暖腰膝破癥瘕癰疽消痰血治風痺骨節攣縮續筋骨生肌肉

**圖經曰** 菌桂生交趾山谷牡桂生南溪山谷桂生桂陽舊經載此三種之異性味功用亦別而爾雅但言棗木桂一種郭璞云南人呼

桂厚皮者為木桂以謂牡桂即木桂及單名桂者是也今嶺表所出則有筒桂肉桂桂心桂之各而醫家用之罕有分別者舊說菌桂正圓

如竹有二三重者則今所謂筒桂也筒筒字近或傳寫之誤耳或云即肉桂也牡桂皮薄色黃少脂肉氣如木蘭味亦相類削去皮名桂心今所謂官桂



疑是此也。桂是半卷多指者。今所謂板桂疑是此也。今觀賓宜韶欽諸州所圖上者種類亦各不同。然皆題曰桂。無復別名。參考舊注謂菌桂葉似柿葉。中有三道文肌理緊薄如竹。大枝小枝皮俱是筒。與今賓州所出者相類。牡桂葉狹於菌桂而長數倍。其嫩枝皮半卷多紫。與今宜州韶州者相類。彼土人謂其皮為木蘭皮。為桂心。此又有黃紫兩色。益可驗也。桂葉如柏葉而澤黑皮黃心赤。今欽州所出者葉密而細。亦恐是其類。但不作柏葉形。為疑耳。皮厚者名木桂。即板桂是也。蘇恭以牡桂與單名桂為一物。亦未可據。其木俱高三四丈多。生深山巖洞中。人家園圃亦有種者。移植於嶺北則氣味殊少。辛辣固不堪入藥也。三月四月生花。全類茱萸。九月結實。今人多以裝綴花果。作造具。其葉甚香。可用作飲。香尤佳。二月八月採皮。九月採花。並陰乾。不可近火中品。又有天竺桂。云生西胡國。功用似桂。不過烈。今亦稀有。故但附於此。張仲景治傷寒用桂枝湯。甲乙經治陰受病發痺。內熨方用醇酒二斗。蜀椒一斗。乾薑一斗。桂一斗。凡四物。以酒中綿絮一斤。細白布四丈。皆并內酒中。置馬矢。溫中善封塗。勿使泄氣。五日五夜。出布綿絮暴乾。復漬之以盡其汁。每漬必晬其日。乃出布綿乾之。并用滓與絮復布為巾。其布長五七尺。為六七巾。即用之。生桑炭灸巾。以熨寒痺所刺之處。令熱入。至於病所寒。復灸巾。以熨之。三十徧而止。汗出。灸巾以拭身。亦三十徧而止。起步內無見風。每刺必熨如此。病已矣。此所謂內熨也。又治臂筋急。亦以白酒和桂塗之。續傳信方造桂漿法。夏月飲之。解煩渴。益氣消痰。桂末二大兩。白蜜一升。以水二斗。先煎取一斗。待冷。入新瓷瓶中。後下二物。攪二三百轉。令勻。先以油單一重覆上。加紙七重。以繩封之。每日去紙一重。七日開之。藥成。氣香味美。格韻絕高。今人亦多作。故并著其法。



**雷公云**

凡使勿薄者要紫色厚者去上麤皮取心中味辛者使每斤大厚紫桂只取得五兩取有味厚處生用如末用即用重密熟絹

并紙裹勿令見風其州土只有桂草元無桂心用桂草煮丹陽木皮遂成桂心凡使即單擣用之

**聖惠方**

治風頭痛每欲天陰雨風先發

者用桂心一兩為末以酒調如膏用傅頂上并額角

**又方**

治九種心痛妨悶用桂心半兩為末以酒一大盞煎至半盞去滓稍熱服立効

**又方**

治寒疝心痛四肢逆冷全不欲食用桂心二兩去皮擣羅為散不計時候熱酒調下一錢匕

**又方**

治產後惡血衝心痛氣悶欲絕用桂心三

兩擣羅為散狗膽汁和丸如櫻桃大不計時候用熱酒磨下二丸

**外臺祕要**

療小兒睡中遺尿不自覺桂末雄雞肝等分擣丸服

如小豆大温水下日三

**千金方**

治中風面目相引偏僻牙車急舌不可轉桂心以酒煮取汁故方難掄病上正即止左喎掄右右喎掄左

常用

**又方**

大治失音末桂著舌下漸嚥汁

**又方**

治卒中惡心痛桂心八分咬咀以水四升煮取一升分二服

**肘後**

**方**

治卒心痛桂心八兩咬咀水四升煮取一升分三服

**又方**

治心腹俱脹痛短氣欲死或已絕桂二兩切以水一升二合煮取八合去滓頓

服無桂用乾薑亦得

**又方**

治中風四肢逆冷吐清水宛轉啼呼者取一兩咬咀以水三升煮取二升去滓適寒温盡服

**又方**

治反臂有血痛擣桂節三升許以苦酒和塗痛之乾復塗

**葛氏方**

治卒吐血桂屑方寸匕晝夜含二

**同又方**

治產後腹中痠痛末桂温酒服方寸匕日三子母祕錄同

**孫真人食忌**

治中風失音方桂一尺以水三

升煎取一又方治唾血取桂心搗作末以水下方寸匕梅師方蜀椒閉口者有毒誤食之便氣欲絕或下曰沫

身體冷急煎桂汁服之多飲冷水一又方治卒外腎偏腫疼痛方桂心末和水調方寸匕塗之又

方治產後血泄不禁止餘血彌痛兼塊桂心乾薑等分爲末空心酒調服方寸匕斗門方治中風失音用桂心一兩去其麤皮近人身體

懷之至兩時辰許爲末分爲三服每服用姚和衆方治小兒臍腫取桂水二盞煎取一盞服之差大妙聖惠方同

可四抱朴子去桂可以合葱涕蒸作水亦可以竹瀝合餌之亦可以龜腦和而服之七年能步行水上長生不死又云趙他子

服桂二十年足下毛生日行五百里力舉千斤

牡桂味辛溫無毒主上氣欬逆結氣喉痺吐吸心痛脅

風効痛溫筋通脉止煩出汗利關節補中益氣久服通

神輕身不老生南海山谷桂狀似桂而扁廣殊薄皮色黃脂肉甚

少氣如木蘭味亦類桂不知當是別樹爲復樞是桂生有老宿者爾亦所未

究爾雅云檜木桂古方亦用木桂或云牡桂即今木桂及單名桂者是也此桂花子與菌桂同惟葉倍長大小枝皮俱名牡桂然大枝皮肉

理麤虛如木肉少味薄不及小枝皮肉多半卷中必皺起味辛美一名肉桂





一名桂枝一名桂心出融州桂州交州甚良國馬錫等謹按今圖經云葉狹長於菌桂葉一二倍其嫩枝皮半卷多紫肉中皺起肌理虛軟謂之桂枝又名肉桂削去上皮名曰桂心藥中以此為善其厚皮者名曰木桂一月八月採皮日乾之國馬錫云根一名木桂郭云今商人呼桂心皮者為木桂桂樹葉似枇杷而大白華華而不著子叢生巖嶺枝葉冬夏常青間無雜木本草謂之牡桂是也藥性論云牡桂君味甘辛能去冷風痠痛

### 圖經文具桂

### 經驗後方

治大人小兒契雜果子多腹脹氣急方取肉桂碾末飯丸如菜豆大小兒熟水下五丸大人十九丸未痊再服

菌桂味辛溫無毒主百病養精神顏色為諸經先聘

通使久服輕身不老面生光華媚好常如童子生交趾

### 桂林山谷巖崖間無骨正圓如竹立秋採

交州桂林屬廣州

而蜀都賦云菌桂臨崖俗中不見正圓如竹者惟嫩枝破卷成圓猶依桂用非真菌桂也仙經乃有用菌桂云三重者良則明非今桂矣必當別是一物應更研訪本草注云菌者竹名古方用筒桂者是故云三重者良其筒桂亦有二三重卷者葉似柿葉中三道文肌理緊薄如竹大枝小枝皮俱是菌然太枝皮不能重卷味極淡薄不入藥用今惟出韶州國馬錫等謹按蜀茶經云葉似柿葉而尖挾光淨花白蕊黃四月開五月結實樹皮青黃薄者



筒亦名筒桂厚硬味薄者名額桂  
又不入藥用三月七月採皮日乾

圖經文具桂條下

列仙傳范蠡好食桂飲水討藥入世世見之文曰韓終采藥詩

閩河之桂實大如粟桂父象林人常服桂皮葉以龜腦和服之別說云謹按諸家所說桂之異同幾不可用考今

得而食之後天而老交廣商人所販及醫家見用唯陳藏器一

說最近然筒厚實氣味重者宜入治藏及下焦藥輕薄者宜入治頭目發散  
藥故本經以茵桂養精神以牡桂利關節仲景傷寒論發汗用桂枝桂枝者枝  
條非身幹也取其輕薄而能發散今又有一種柳  
桂乃桂之嫩小枝條也亦宜入治上焦藥用也





松脂

